



საჯარო სამართლის იურიდიული პირი  
**სამცხე-ჯავახეთის სახელმწიფო**  
**უნივერსიტეტი**

SAMTSKHE -JAVAKHETI STATE UNIVERSITY  
**ფარმაცევტიკული საბჭო საბჭო სისტემის მინისტრის მიერ დამტკიცებული დოკუმენტი**



ოქმი № 8

” 07 ” 10 2021 წ.

**დადგენილება № 41**

„სსიპ - სამცხე-ჯავახეთის სახელმწიფო უნივერსიტეტის  
 საარჩევნო დებულების დამტკიცების შესახებ“ წარმომადგენლობითი საბჭოს 2013 წლის 11  
 დეკემბრის N92 დადგენილებაში ცვლილების შეტანის შესახებ

„უმაღლესი განათლების შესახებ“ საქართველოს კანონის მე-18 მუხლის პირველი პუნქტის „ნ“ ქვეპუნქტის, საქართველოს ზოგადი ადმინისტრაციული კოდექსის 63-ე მუხლის, „საჯარო სამართლის იურიდიული პირის – სამცხე-ჯავახეთის სახელმწიფო უნივერსიტეტის წესდების დამტკიცების თაობაზე“ საქართველოს განათლებისა და მეცნიერების მინისტრის 2014 წლის 13 მაისის N52/ნ ბრძანებით დამტკიცებული წესდების მე-11 მუხლის პირველი პუნქტის „ო“ ქვეპუნქტისა და სსიპ სამცხე-ჯავახეთის სახელმწიფო უნივერსიტეტის წარმომადგენლობითი საბჭოს 2014 წლის 10 დეკემბრის N44 დადგენილებით დამტკიცებული წარმომადგენლობითი საბჭოს რეგლამენტის მე-4 მუხლის „ტ“ ქვეპუნქტის თანახმად:

წარმომადგენლობითი საბჭო ადგენს:

1. შეტანილ იქნეს ცვლილებები „სსიპ - სამცხე-ჯავახეთის სახელმწიფო უნივერსიტეტის საარჩევნო დებულების დამტკიცების შესახებ“ წარმომადგენლობითი საბჭოს 2013 წლის 11 დეკემბრის N92 დადგენილებაში და აღნიშნული დადგენილების პირველი პუნქტით დამტკიცებული დებულების:

ა) მე-2 მუხლის პირველი პუნქტი ჩამოყალიბდეს შემდეგი რედაქციით:

„1. უნივერსიტეტის საარჩევნო კომისიის წევრთა რაოდენობა და შემადგენლობა განისაზღვრება რექტორის ინდივიდუალურ ადმინისტრაციულ-სამართლებრივი აქტით, მასში შეიძლება შედიოდეს სტუდენტი. კომისიის წევრად შეიძლება მოწვეულ იქნეს საზოგადოების წარმომადგენელი. საარჩევნო კომისიის თავმჯდომარეს და მდივანს საარჩევნო კომისია ირჩევს პირველივე სხდომაზე.“

ბ) მე-2 მუხლის მე-5 პუნქტი ამოღებული იქნეს და დაემატოს შემდეგი შინაარსის მე-6 პუნქტი:

„6. უნივერსიტეტის საარჩევნო კომისია საჭიროების შემთხვევაში, უფლებამოსილია შექმნას ფაკულტეტის საარჩევნო კომისია, რომელიც უნივერსიტეტის საარჩევნო კომისიის გადაწყვეტილებისა და ამ დებულების შესაბამისად უზრუნველყოფს არჩევნების ჩატარებას.“

გ) მე-2 მუხლის შემდეგ დაემატოს შემდეგი შინაარსის 2<sup>1</sup> და 2<sup>2</sup> მუხლები:

„მუხლი 2<sup>1</sup>. ინტერესთა შეუთავსებლობა

უნივერსიტეტისა და ფაკულტეტის საარჩევნო კომისიის წევრი არ შეიძლება იყოს მართვის ორგანოს წევრობის კანდიდატი ან/და არჩევნებში კანდიდატად მონაწილე პირი.

**მუხლი 2<sup>2</sup>. მართვის ორგანოებში ასარჩევ კანდიდატთა რეგისტრაციის წესი**

1. მართვის ორგანოებში ასარჩევ კანდიდატთა რეგისტრაცია მიმდინარეობს ამ დებულებითა და არჩევნების გამოცხადების აქტით განსაზღვრულ ვადაში.

2. უნივერსიტეტის კანცელარიის საშუალებით განცხადების/დოკუმენტაციის წარდგენის შემდეგ, ასარჩევ კანდიდატთა რეგისტრაციას ახორციელებს საუნივერსიტეტო საარჩევნო კომისია.

3. კანდიდატის რეგისტრაციაზე უარის თქმის შემთხვევაში, საარჩევნო კომისია ვალდებულია, მიუთითოს, თუ რა ხარვეზს შეიცავს წარმოდგენილი დოკუმენტაცია.

კანდიდატი უფლებამოსილია ხარვეზი შეავსოს 2 დღის განმავლობაში.

4. უნივერსიტეტის საარჩევნო კომისია უფლებამოსილია კანდიდატის რეგისტრაციიდან 3 სამუშაო დღის ვადაში კანონმდებლობასთან შეუსაბამობის ან დოკუმენტაციაში აღმოჩენილი ხარვეზის შემთხვევაში მოხსნას დარეგისტრირებული კანდიდატი არჩევნებიდან.

5. უნივერსიტეტის საარჩევნო კომისიის უარი რეგისტრაციაზე კანდიდატის მიერ შეიძლება გასაჩივრდეს გადაწყვეტილების მიღებიდან 1 დღის განმავლობაში.

6. საჩივართან დაკავშირებულ გადაწყვეტილებას საარჩევნო კომისია იღებს 2 დღის ვადაში.“

დ) მე-4 მუხლის მე-5 პუნქტი ჩამოყალიბდეს შემდეგი რედაქციით:

„5. წარმომადგენლობით საბჭოში ფაკულტეტებიდან წარმომადგენლობის კანდიდატთა რეგისტრაცია მიმდინარეობს არანაკლებ 7 დღის განმავლობაში.“

ე) მე-5 მუხლს დაემატოს შემდეგი შინაარსის მე-3 პუნქტი“

„3. ერთი და იგივე პირი წარმომადგენლობითი საბჭოს სპიკერად შეიძლება აირჩეს ზედიზედ მხოლოდ ორჯერ.“

ვ) მე-6 მუხლის მე-5 და მე-6 პუნქტები ამოღებული იქნეს.

ზ) მე-7 მუხლის მე-2 პუნქტი ჩამოყალიბდეს შემდეგი რედაქციით:

„2. აკადემიურ საბჭოში ფაკულტეტებიდან წევრობის კანდიდატთა რეგისტრაცია მიმდინარეობს არანაკლებ 7 დღის განმავლობაში. აკადემიური საბჭოს წევრობის კანდიდატი რეგისტრაციას უნივერსიტეტის საარჩევნო კომისიის სახელზე გადის უნივერსიტეტის კანცელარიაში.“

თ) მე-11 მუხლის პირველი, მე-3, მე-4, მე-6 და მე-9 პუნქტები ჩამოყალიბდეს შემდეგი რედაქციით:

„1. რექტორის არჩევნები ტარდება კანდიდატების რეგისტრაციის დასრულებიდან არა უგვიანეს 2 თვის ვადაში.“

„3. რექტორის არჩევნებამდე კანდიდატურის შერჩევისას აკადემიური საბჭო განიხილავს თითოეული კანდიდატის მიერ წარმოდგენილ სამოქმედო გეგმას და სხვა დოკუმენტაციას.“

„4. რექტორობის კანდიდატი შეიძლება იყოს პირი, რომელსაც აქვს დოქტორის ან მასთან გათანაბრებული აკადემიური ხარისხი, მმართველ პოზიციაზე, სასწავლო და სამეცნიერო სფეროში მუშაობის გამოცდილება.“

„6. რექტორს ირჩევს უნივერსიტეტის აკადემიური საბჭო ფარული კენჭისყრით, სიითი შემადგენლობის უმრავლესობით, 4 წლის ვადით. თუ რექტორობის ვერცერთმა კანდიდატმა ვერ მიიღო ხმების ეს რაოდენობა, გაიმართება მეორე ტური, რომელშიც მონაწილეობს პირველ ტურში

საუკეთესო შედეგის მქონე ორი კანდიდატი. თუ არჩევნების მეორე ტურშიც ვერ გამოვლინდა გამარჯვებული, არა უგვიანეს ერთი თვის ვადაში ინიშნება ახალი არჩევნების თარიღი და ტარდება იმავე წესით.“

9. საქართველოს კანონმდებლობის შესაბამისად რექტორის უფლებამოსილების ვადამდე შეწყვეტის შემთხვევაში, აგრეთვე რექტორის ვერარჩევის შემთხვევაში აკადემიური საბჭო 14 დღის ვადაში, ფარული კენჭისყრით, სიითი შემადგენლობის უმრავლესობით ირჩევს რექტორის მოვალეობის შემსრულებელს არაუმეტეს 6 თვის ვადით. ერთი და იგივე პირი რექტორის მოვალეობის შემსრულებლად შეიძლება აირჩეს მხოლოდ ერთხელ.“

ი) მე-13 მუხლის მე-2 პუნქტი ჩამოყალიბდეს შემდეგი რედაქციით:

„2. განცხადება უნივერსიტეტის ხარისხის უზრუნველყოფის სამსახურის ხელმძღვანელის შესარჩევად კონკურსის გამოცხადების შესახებ უნდა შეიცავდეს იმ კრიტერიუმებსა და წარსადგენ დოკუმენტთა ნუსხას, რასაც უნდა აკმაყოფილებდეს კანდიდატი. კრიტერიუმებსა და წარსადგენ დოკუმენტთა ნუსხას ამტკიცებს აკადემიური საბჭო. კანდიდატთა რეგისტრაცია მიმდინარეობს არანაკლებ 7 დღის განმავლობაში.“

კ) მე-14 მუხლის მე-3 პუნქტი ჩამოყალიბდეს შემდეგი რედაქციით:

„3. ფაკულტეტის ხარისხის უზრუნველყოფის სამსახურის ხელმძღვანელი და სპეციალისტი შეიძლება იყოს ფაკულტეტის პროფესორი ან ასოცირებული პროფესორი და თანამდებობაზე შეიძლება აირჩეს ზედიზედ მხოლოდ ორჯერ, 4 წლის ვადით.“

ღ) მე-15 და მე-16 მუხლები ამოღებული იქნას;

გ) მე-20 მუხლის პირველი პუნქტი ჩამოყალიბდეს შემდეგი რედაქციით:

„1. ფაკულტეტის დეკანის არჩევნები ტარდება კანდიდატების რეგისტრაციის დასრულებიდან არა უგვიანეს 1 თვის ვადაში.“

ნ) 21-ე მუხლის პირველი - მე-4 პუნქტები ჩამოყალიბდეს შემდეგი რედაქციით:

„1. ბიბლიოთეკის ხელმძღვანელს ირჩევს უნივერსიტეტის აკადემიური საბჭო ფარული კენჭისყრით ხმათა უმრავლესობით.

2. წარმომადგენლობითი საბჭოს შემადგენლობაში შედის უნივერსიტეტის ბიბლიოთეკის ხელმძღვანელი.

3. ბიბლიოთეკის ხელმძღვანელი უნდა იყოს უმაღლესი განათლების მქონე პირი, რომელსაც აქვს დოქტორის აკადემიური ხარისხი და გააჩნია სათანადო კომპეტენცია ბიბლიოთეკის ხელმძღვანელის უფლებამოსილების განსახორციელებლად.

4. ბიბლიოთეკის ხელმძღვანელის კანდიდატისადმი დამატებითი კრიტერიუმებსა და წარსადგენ დოკუმენტაციის ნუსხას შეუმუშავებს და ამტკიცებს აკადემიური საბჭო.“

ო) 23-ე მუხლის მე-4 პუნქტი ჩამოყალიბდეს შემდეგი რედაქციით:

„4. იმ შემთხვევაში, თუ სტუდენტი ირიცხება ერთდროულად უნივერსიტეტის ერთზე მეტ ფაკულტეტზე, ის შეიყვანება იმ ფაკულტეტის სიაში, სადაც სწავლობს მირითად პროგრამაზე.“

პ) 35-ე მუხლის პირველი პუნქტი ჩამოყალიბდეს შემდეგი რედაქციით:

- „1. უნივერსიტეტის რექტორობის, ადმინისტრაციის ხელმძღვანელობის, სპიკერობის, ფაკულტეტის დეკანობის, უნივერსიტეტის ხარისხის უზრუნველყოფის სამსახურის უფროსობის, ფაკულტეტის ხარისხის უზრუნველყოფის სამსახურის ხელმძღვანელობისა და ფაკულტეტის ხარისხის უზრუნველყოფის სამსახურის სპეციალისტობის კანდიდატებს ამ დებულებით გათვალისწინებულ საარჩევნო ვადაში ჩაეთვლებათ ვადა, რომლის განმავლობაშიც მათ უნივერსიტეტში ეკავათ, შესაბამისად, რექტორის, ადმინისტრაციის ხელმძღვანელის, სპიკერის, ფაკულტეტის დეკანობის, უნივერსიტეტის ხარისხის უზრუნველყოფის სამსახურის უფროსის, ფაკულტეტის ხარისხის უზრუნველყოფის სამსახურის ხელმძღვანელისა და ფაკულტეტის ხარისხის უზრუნველყოფის სამსახურის სპეციალისტის თანამდებობა ზედიზედ ორი უფლებამოსილების სრული ვადა, მათ შორის, როგორც მოვალეობის შემსრულებელს.“
2. დადგენილება ძალაშია გამოქვეყნებისთანავე.
3. დადგენილება ჩაბარდეს სსიპ - სამცხე-ჯავახეთის სახელმწიფო უნივერსიტეტის ყველა ფაკულტეტს, ხარისხის უზრუნველყოფის სამსახურს, იურისტს და განთავსდეს ვებ-გვერდზე.
4. დადგენილება შეიძლება გასაჩივრდეს დაინტერესებული პირის მიერ კანონმდებლობით დადგენილი წესით გაცნობის დღიდან ერთი თვის ვადაში ახალციხის რაიონულ სასამართლოში, მისამართზე ქ. ახალციხე, კ. მებაღიშვილის ქ. N62.

წარმომადგენლობითი საბჭოს  
სპიკერი, პროფესორი

ლავრენტი ჩიბურდანიძე